

## ABSTRAK

Penyelidikan ini bertujuan untuk mengkaji tentang Aliran dan Pengaruh Akidah Lembaga Dakwah Islam Indonesia (LDII) di Provinsi Jambi: Analisis dari Perspektif Pemikiran Islam. Untuk memberikan penjelasan yang menyeluruh tentang Aliran dan Pengaruh Lembaga Dakwah Islam Indonesia (LDII) maka secara berturut-turut akan dikaji tentang variable-variabel sejarah dan faktor yang mendorong ditubuhkan Lembaga Dakwah Islam Indonesia (LDII), sumber dan asas akidah LDII, dan pengaruh yang ditimbulkan oleh pengamalan akidah LDII tersebut. Kaedah penyelidikan yang dipergunakan adalah kaedah penyelidikan kualitatif. Dalam memperoleh data penyelidik menggunakan kaedah pemerhatian, temubual dan dokumentasi. Kemudian dalam memperoleh kebenaran data penyelidik mempergunakan kaedah pendekatan *trianggulasi* iaitu kaedah memperbandingkan hasil dapatan dengan pandangan pelbagai pihak sebagai cek dan recak data. Analisis data dalam penyelidikan mempergunakan kaedah *flow model analysis*. Dari hasil penyelidikan dapat diketahui bahawa kewujudan Lembaga Dakwah Islam Indonesia (LDII) telah melalui perjuangan panjang dan dan mendapat tantangan dari pelbagai masyarakat. Dari aspek akidah Aliran Lembaga Dakwah Islam Indonesia (LDII) tidak berbeza dengan masyarakat Muslim bersumber kepada al-Qur'an dan hadith Nabi Muhammad s.a.w. dan didukung oleh akal dan lebih condong kepada faham salafi. Kefahaman akidah yang telah didakwahkan dan diamalkan telah pula memberi implikasi kepada ahli-ahli LDII dalam pelbagai bidang iaitu; agama, politik, ekonomi dan sosial budaya pada amnya dan khasnya di Provinsi Jambi.